

ЎЗБЕКИСТОНДА СОЛИҚДАН ҚОЧИШ ВА УНИНГ ИҚТИСОДИЙ ОҚИБАТЛАРИНИНГ НАЗАРИЙ ОМИЛЛАРИ ТАҲЛИЛИ

ТДИУ ҳузуридаги илмий-тадқиқот маркази мустақил тадқиқотчиси (PhD)

Ахмедов Феруз Баходирович

Аннотация: Мазкур мақолада тадбиркорлик субъектларига хизмат кўрсатишни янги босқичга чиқариш, аҳолининг солиқ маъмурчилиги бўйича саводхонлигини янада ошириш, тадбиркорликни қўллаб-қувватлаш, тенг рақобат шароитини яратиш ва истеъмолчиларнинг ҳуқуқларини кафолатлаш ҳамда яширин иқтисодиётни жиловлашда кенг жамоатчиликнинг фаол иштирокини рағбатлантиришга асосланган маъмурчиликни такомиллаштириш ёритилган. Бундан ташқари, республикамизда сўнги йилларда мамлакатда солиқ ва молия соҳаларида тадбиркорлик фаолиятини юритиш учун қулай шарт-шароитлар яратиш, инвестиция муҳитини яхшилаш ҳамда бизнес доираларнинг ишончини янада мустаҳкамлашга қаратилган кенг кўламли ислоҳотлар таҳлил қилинган. Шу билан бирга, соҳалар ўрганилиб, хориж тажрибаси, мамлакатимизда уни қўллаш бўйича илмий-амалий хулоса ва таклифлар шакллантирилган.

Калит сўзлар: солиқ тушумлари, таҳлика-таҳлил, хавфлар, самарадорлик, рақамли платформа, усууллар ва воситалар, илғор ахборот- коммуникасия технологиялари, таҳлил, оптималлаштириш, солиқ имтиёзлари, солиқ ставкаси.

Кириши: Ўзбекистонда кейинги йилларда яширин иқтисодиётнинг ҳиссасини камайтириш, у орқали юзага келадиган солиқдан қочиш ҳолатлари ҳамда солиқ тўловчилар томонидан солиқ тўлашдан бўйин товлаш ҳолатларини камайтириш ҳамда уларнинг олдини олишга қаратилган чора-тадбирларини самарали амалга оширилишга алоҳида эътибор қаратилмоқда. Яширин иқтисодиётни қисқартириш борасида меъёрий-ҳуқуқий базани мустаҳкамлаш, соҳани рақамлаштириш

натижалари ҳисобига яширин иқтисодиётни жиловлаш, жамоатчилик назоратини кучайтириш, яширин иш ўринларини легаллаштириш, назорат тадбирларини ўтказиш йўналишида тизимли ишлар олиб борилмоқда. Жамиятнинг иқтисодий бўғинининг бир маромда боришини таъминлаш давлат ҳокимияти томонидан юридик ва жисмоний шахсларга жамият манфаатларидан келиб чиқиб, улар зиммасига бир қатор мажбуриятлар юклатилади. Бу мажбуриятлар ҳуқуқий, маънавий-ахлоқий, ҳуқуқий ва иқтисодий шаклларда бўлиб, иқтисодий мажбуриятлар сирасига ноқонуний пул бирликларини ишлаб чиқмаслик, ноқонуний бошқа фаолият билан шуғулланмаслик, эркин тадбиркорлик фаолиятини очиқ шаклда ва давлат рўйхатидан ўтган ҳолда амалга ошириш, умумжамият манфаатлари учун қонуний ва мажбурий тартибда жорий қилинган солиқлар ва бошқа мажбурий тўловларни солиқقا тортишнинг адолатлилик тамойилидан келиб чиқиб ўз вақтида давлат бюджети ва бошқа фондларга тўлаб бориш каби иқтисодий-ҳуқуқий мажбуриятлардан иборат бўлади. Аксарият давлатлар бу каби мажбуриятлар уларнинг бош қомуси-Конституциясида муҳрлаб ҳам қўйишади. Ўзбекистон Республикасида эса унинг Конституциясининг 51-моддасида қўйидаги мазмунда “Фуқаролар қонун билан белгиланган солиқлар ва маҳаллий йиғимларни тўлашга мажбурдирлар”¹. Ўзбекистон Республикасининг янги таҳрирдаги Солиқ кодексининг Мажбурийлик принципи деб номланган 8 моддасида эса, “ҳар бир шахс ушбу Кодексда белгиланган солиқлар ва унда назарда тутилган йиғимларни тўлаши шарт. Ҳеч кимга солиқлар ва йиғимларнинг барча аломатларига эга бўлган, бироқ ушбу Кодексда назарда тутилмаган ёхуд унинг нормалари бузилган ҳолда белгиланган солиқлар ва йиғимларни тўлаш мажбурияти юклатилиши мумкин эмас”² деб белгилаб қўйилган бўлиб, унда юридик ва жисмоний шахсларга Конституцияда юклатилган иқтисодий-молиявий мажбуриятларнинг мантиқий давоми сифатида бу каби мажбуриятларни

¹ Ўзбекистон Республикаси Конституциясининг 51-моддаси. <https://constitution.uz/uz/clause/index>

² Ўзбекистон Республикасининг янги таҳридаги Солиқ кодекси. 7-моддаси.lex.uz.

оғирлаштирувчи ҳолатларга олиб келмасликнинг маълум бир чегараси ҳам белгилаб қўйилган. Бундай чекловлар сифатида солик Кодексининг 10-моддасида “Фуқароларнинг ўз конституциявий ҳукуқларини амалга оширишига тўсқинлик қиласиган соликларни белгилашга йўл қўйилмайди” мазмунидаги солик тўловчиларнинг манфаатларини ҳимояланувчи нормалар ҳам киритилганки, солик тўловчиларга юклатилган молиявий мажбуриятлар адолатлилик принципларидан чиқиб кетиб, жамиятга, айниқса давлат бюджетига иқтисодий заар келишининг олдини олишига эришиш асосий мақсад қилиб олинган. Бундан ташқари соликларни режалаштириш ва соликларни мақбуллаштириш (оптималлаштириш) деган жараёнлар ҳам борки, уларни ҳам айрим ҳолларда соликларни тўламаслик ҳолати деб тушунтиришлар ҳам учрайди (бу ҳақда кейинги параграфда тўхталиб ўтилади), мазмунан олиб қаралган соликларни мақбуллаштириш солик тўловчининг иқтисодий, молиявий ва ҳукуқий нормаларга асосланиб қанчалик соликдан камроқ тўлаш имкониятидан фойдаланиш ҳисобланади. Бунда давлат бюджети манфаатларини инкор қилмаган ҳолда солик тўловчининг ўз манфаатларининг устунлик тамойилидан келиб чиқиб, алоҳида молиявий сиёсатнинг ишлаб чиқилишидир. Шу жиҳатдан олганда соликдан қочиш ва уни тўламасликнинг турли хил кўринишлари соликка оид ҳукуқий муносабатларнинг пайдо бўлишига олиб келади. Албатта, бу ерда соликка оид ҳукуқий муносабатлар дейилганда соликларни тўламаслик билан боғлиқ ҳолатлар учун жавобгарлик чораларидан огоҳлантириш ва ҳукуқий маслаҳатлар бериш билан боғлиқ тарғибот ишлари ҳам тушуниладики, аммо, молиявий, маъмурий ва жиноий жавобгарлик чоралари соликка оид ҳукуқбузарликдан келиб чиқиб қўлланилади. Агар, иқтисодий, ҳукуқий ва мантиқий ёндошиладиган бўлса, “соликдан қочиш”, “соликдан бўйин товлаш”, “соликка оид ҳукуқбузарлик”, “молиявий қонунбузилишлар”, “соликка оид хатоликлар”нинг замирида бир неча омиллар мавжуд бўлади. Буларнинг бош омили иқтисодий эгоизм психологик ҳолатdir.

Бундан ташқари, солик тўлашдан бўйин товлашнинг назарий омиллари:

Солиқ ставкалари: Юқори солиқ ставкалари жисмоний шахслар ва корхоналар учун даромадларни кам ҳисобот бериш ёки солиқ мажбуриятларини минималлаштириш учун мураккаб схемалар билан шуғулланиш учун кучлироқ турткі бўлиши мумкин. Ҳукуматлар солиқ ислоҳотларини, жумладан, солиқ ставкаларини пасайтириш ва солиқ базасини кенгайтиришни солиқдан бўйин товлаш мотивларини камайтиришни кўриб чиқиши. Мураккаб солиқ қонунлари бўшлиқлар ва риоя қилиш бўйича чалкашликлар орқали солиқ тўлашдан бўйин товлаш учун имкониятлар яратилиши. Солиқ кодексини соддалаштириш ва қоидаларнинг аниқлигини ошириш жисмоний шахслар ва корхоналар учун бўшлиқлардан фойдаланишни қийинлаштиради. Яна бир омиллардан бири коррупцион муҳит жисмоний шахслар ва корхоналарга мансабдор шахсларга пора бериш ёки тизимни манипуляция қилиш имконини беради. Молиявий операцияларда, хусусан, оффшор ҳисобларда шаффофликни ошириш солиқ органларининг бўйин товлашни аниқлаш қобилиятини оширади. Капиталнинг трансчегаравий ҳаракати даромадларни паст солиқли юрисдикцияларга ўтказиш учун ишлатилиши мумкин. Молиявий маълумотларни автоматик алмашиш учун умумий ҳисббот стандарти (СРС) каби ташаббуслар орқали халқаро ҳамкорлик трансчегаравий солиқ тўлашдан бўйин товлаш билан курашишга олиб келади. Самарали солиқ сиёсати, самарали йифиш ва ижро механизмлари билан биргаликда даромад йўқотишларини камайтириш учун муҳим аҳамиятга эга. Бунда солиқ тўлашдан бўйин товлаш иқтисодий фаолиятни бузиши, яшириш осонроқ бўлган тармоқларга ёрдам беради. Ҳукуматлар ресурсларни тақсимлашда бузилишларнинг олдини олиш учун адолатли рақобат ва адолатли солиқ режимини қўллаб-қувватлаши муҳим аҳамиятга эга ҳисобланади. Ҳукуматлар ҳам, солиқ тўловчилар ҳам мажбурлаш чораларининг кучайиши туфайли юқори харажатларга олиб келади. Самарадорлик билан ижрони мувозанатлаш ва соддалаштирилган жараёнлар орқали мувофиқлик харажатларини минималлаштириш жуда муҳим албатта. Қонун устуворлигини мустаҳкамлаш, қонун олдида тенг муносабатни

таъминлаш ва коррупцияга қарши курашиш ушбу муаммони ҳал қилишнинг асосий таркибий қисмлари ҳисобланади. Умуман олганда, солиқ тўлашдан бўйин товлаш билан боғлиқ муаммоларни бартараф этиш комплекс ва қўп қиррали ёндашувни, адолатли ва самарали солиқ тизимини яратиш учун қонунчиликдаги ислохотларни, унинг ижросини таъминлаш борасидаги саъй-ҳаракатларни ҳамда ҳалқаро ҳамкорликни уйғунлаштиришни талаб қиласиган мураккаб вазифадир. Солиқ тўламасликни биринчидан, бу ижтимоий инстинкт сифатида баҳолаш керак, сабаби солиқ тўловчида эгоизм манфаат уни жамият манфаатларидан устун қўйишга интилади, иккинчидан солиқ тўлашдан бўйин товлаш бу ижтимоий қонунларни менсимаслик бўлиб, қонун билан юклатилган мажбуриятларни инкор этиш ҳисобланади, учинчидан, солиқдан қочиш иқтисодий манфаат саналади, аммо, солиқни қасдан тўламаслик шаклида эмас, балки, уни тўлашни қонуний мақбуллаштириш тарзида бўлиши мумкин. Ҳар бир давлат айнан солиқ ва бошқа мажбурий тўловларни жорий этиш орқалигина ўз олдига қўйган мақсадларга самарали равишда эришишга муваффақ бўлади. Давлат томонидан белгиланган солиқ, йиғим, бож ва бошқа мажбурий тўловларни тўламаслик, фойда (даромад)ни ёки солиқ солинадиган бошқа обьектларни қасдан яшириш, камайтириб кўрсатиш, шунингдек, солиқ ёки бошқа мажбурий тўловларни тўлашдан қасдан бўйин товлаш бюджет сиёсати барқарорлигига путур етказади. мазкур жиноят содир этилиши натижасида ҳар бир жисмоний ва юридик шахс томонидан қонун билан белгиланган солиқ ва бошқа мажбурий тўловларни тўлашдек, конституциявий бурчларни адо этиш билан боғлиқ ижтимоий муносабатларга зарар етказилади. солиқ ва бошқа мажбурий тўловларни ундириш механизмини янада эркинлаштириш, солиқ тўловчиларнинг қонуний манфаатларини ҳимоя қилиш чора-тадбирларини такомиллаштириш борасида мамлакатимизда амал қилиб келаётган бир қатор қонун ва қонун ости меъёрий таҳлил қилиш ва қайта кўриб чиқиш орқали мавжуд муаммоларни қонун йўли билан ҳал қилиш зарур. Демак, солиқдан қочиш ёки солиқдан бўйин товлаш ҳолатлари ижтимоий ҳолат

бўлиши билан бир қаторда унинг намоён бўлиши иқтисодий муносабатлар доирасида амалга қиласи. Бу омиллар бевосита солиқ тўловчининг фаолиятидан келиб чиқадики, булардан ташқари ташқи омиллар ҳам борки, масалан, солиқ объектларини рўйхатга олувчи ваколатли органларнинг ҳаракатсизлиги ва маълумотларни яширишлиги, кеч тақдим қилиши, дебиторлик ва кредиторлик қарзлари билан боғлиқ даъволарнинг судда кўрилмаслиги ёки нотўғри суд қарорларининг қабул қилиши, шунингдек, банк, божхона ва шу каби молиявий операцияларни ўтказишга ваколатли бўлган ташкилот ва муассасаларнинг ноқонуний ҳаракатлари оқибатида айрим турдаги солиқ тўловчилар томонидан солиқларни ўз вақтида тўлай олмаслигига сабаб бўлиб, натижада эса, бундай вазиятда солиқ тўловчининг ҳаракатлари солиқдан қочиш деб баҳоланади.

Хулоса ва таклифлар. Экспорт тушумларини хорижий банклардаги ҳисоблари орқали амалга ошириш, шунингдек КҚС қайтариш бўйича хорижий банкларга келиб тушган маблағларни ҳам ҳисоблаш тизими жорий этиш. Якка тартибдаги тадбиркорлар (жисмоний шахслар)га чет элдан инвестиция киритиш мақсадида хорижий валюта юборилганда, ушбу сумма жисмоний шахснинг бошқа даромади сифатида талқин қилиниб, жисмоний шахслардан олинадиган даромад солиғига тортилади. Якка тартибдаги тадбиркорлар (жисмоний шахслар)га чет элдан инвестиция киритиш мақсадида хорижий валютада юборилган маблағларни солиқдан озод қилиш бўйича қонунчиликка ўзгартириш киритиш.

Адабиётлар/Литература/Reference:

1. Ф.Б.Ахмедов Солик тўлашдан қочиш хавфларини аниқлашда замонавий фискал назорати такомиллаштириш: (PhD) илмий даражасини олиш учун ёзилган дисс. автореферати. – Тошкент, 2023.
2. Ўзбекистон Республикаси Вазирлар Маҳкамаси ҳузуридаги Солик қўмитаси маълумотлари. www.soliq.uz.
3. Ўзбекистон Республикасининг Солик кодекси <https://lex.uz/docs/4674902>
4. Нормурзаев, У. (2023). Янги Ўзбекистон тараққиёт стратегияси доирасида молия бозорининг долзарб муаммолари тадбиркорликни тенг рақобат шароитларини яратиш ҳамда яширин иқтисодиёт улушини қисқартириш йўлари. <https://inlibrary.uz/index.php/financial-market-growth/article/view/19032>
5. Нормурзаев, У. (2023). Солик имтиёзлари бериш тартибини такомиллаштириш масалалари. Iqtisodiyot Va ta’lim, 24(1), 334–339. https://doi.org/10.55439/ECED/vol24_iss1/a51